

2022-2023 оқу жылына арналған «А.Мұстафаев атындағы №227 негізгі мектебі» КММіндегі тәрбие ісінің жылдық жоспары Қазақстан Республикасы Білім және ғылым министрінің 2019 жылғы 15 сәуірдегі №145 бұйрығына 2- қосымша, Қазақстан Республикасында білім беруді және ғылымды дамытудың 2020-2025 жылдарға арналған мемлекеттік бағдарламасына сәйкес оқу – тәрбие жүйесі білім берудің барлық деңгейлерінде бірыңғай идеологиялық және құндылықтар тәсілдерінен құралады. 2022-2023 оқу жылында тәрбие жұмысы Тәрбиенің негіздері шеңберінде іске асырылады, оның негізгі идеясы Абайдың «Толық адам» рухани мұрасында бейнеленген үйлесімді дамыған адамның ұлттық бейнесі болып танылады.

Тәрбие жұмысын ұйымдастырудың негізгі нормативтік құқықтық құжаттары жинақталып, папкіге салынды. Олар:

- 1) Бала құқықтары туралы БҰҰ Конвенциясы;
- 2) Қазақстан Республикасының Конституциясы;
- 3) «Неке (ерлі-зайыптылық) және отбасы туралы» Қазақстан Республикасының 2011 жылғы 26 желтоқсандағы No 518-IV Кодексі;
- 4) «Қазақстан Республикасындағы баланың құқықтары туралы» Қазақстан Республикасының 2002 жылғы 8 тамыздағы No 345 Заңы;
- 5) «Тұрмыстық зорлық-зомбылық профилактикасы туралы» Қазақстан Республикасының 2009 жылғы 4 желтоқсандағы No 214-ІҮ Заңы;
- 6) «Балаларды денсаулығы мен дамуына зардабын тигізетін ақпараттан қорғау туралы» Қазақстан Республикасының 2018 жылғы 2 шілдедегі No 169- VI Заңы;
- 7) «Білім туралы» Қазақстан Республикасының 2007 жылғы 27 шілдедегі No 319 Заңы;
- 8) Қазақстан Республикасы Үкіметінің 2019 жылғы 27 желтоқсандағы No 988 қаулысымен бекітілген Қазақстан Республикасында білім беруді және ғылымды дамытудың 2020 – 2025 жылдарға арналған мемлекеттік бағдарламасы;
- 9) ҚР БҒМ 2019 жылғы 15 сәуірдегі No145 бұйрығымен бекітілген «Рухани жаңғыру» бағдарламасын іске асыру жағдайындағы тәрбиенің тұжырымдамалық негіздері;
- 10) ҚР БҒМ 2020 жылғы 12 маусымдағы No 248 бұйрығымен бекітілген Қазақстан Республикасында өлкетануды дамытудың тұжырымдамалық негіздері.

Тәрбие мақсаты:

* Қазақстан Республикасы Білім және ғылым министрінің 2019 жылғы 15 сәуірдегі No145 бұйрығы негізінде 2019-2024 жылдарға арналған «Рухани жаңғыру» бағдарламасын жүзеге асыру аясында тәрбиенің Тұжырымдамалық негіздерін іске асыруға ұйымдастыру;

* Орта білім беру ұйымдарында тәрбие жұмысын ұйымдастыруды реттейтін нормативтік құқықтық құжаттарды ескере отырып, жаңа оқу жылында тәрбие жұмысын ұйымдастырудың басым бағыттары қарастырылады.

* Оқу-тәрбие процесін ұйымдастыру кезіндегі басымдықтар білім алушылардың әл-ауқатын қамтамасыз ету, баланың жеке басына құрмет пен сенім, балалардың құқықтары мен заңды мүдделерін қамтамасыз ету, оларды кемсітушілікке жол бермеу.

* Жалпыадамзаттық және ұлттық құндылықтар негізінде жан-жақты және үйлесімді дамыған тұлғаны тәрбиелеу. Өзін-өзі дамыту, оқушылардың жеке басының өзін-өзі анықтауы, олардың қоғамдағы сәтті әлеуметтенуі үшін жағдай жасау.

2022-2023 оқу жылындағы тәрбие міндеттері:

1) азаматтыққа және патриотизмге, өз Отаны - Қазақстан Республикасына сүйіспеншілікке, мемлекеттік рәміздерді құрметтеуге, халық дәстүрлерін қастерлеуге, Конституцияға қайшы және қоғамға қарсы кез келген көріністерге төзбеуге тәрбиелеу.

2) оқушылардың оқу іс-әрекетіне тұрақты ынтасын дамыту, білім беру мен өз бетінше білім алудың өмір мен қызмет үшін маңыздылығын ұғындыру.

3) тұлғаның шығармашылық, рухани және физикалық мүмкіндіктерін дамыту, адамгершілік пен салауатты өмір салтының берік негіздерін қалыптастыру, даралықты, сыни ойлау мен функционалдық сауаттылықты, проблемаларды өз бетінше шешу қабілеттерін дамыту үшін жағдай жасау арқылы зияткерлікті байыту.

4) Елдің қоғамдық-саяси, экономикалық және мәдени өміріне қатысу қажеттілігін, жеке адамның өз құқықтары мен міндеттеріне саналы көзқарасын қалыптастыру.

5) тұлғаның экономикалық ойлауын және кәсіби қалыптасуы мен өзін-өзі жүзеге асыруға саналы көзқарасын; табиғатты сақтаудағы белсенді азаматтық ұстанымды; экологиялық сауаттылық пен мәдениетті дамыту.

6) Мектеп пен ата-аналардың ө-ара іс-қимыл форматын ұйымдастыру, әлеуметтік маңызы бар балалар, отбасы және ата-ана бастамаларын, балалар қоғамдық бірлестіктерінің қызметін дамыту және қолдау.

7) Балаларды тәрбиелеуде жалпы және қосымша білім беру жүйесінің рөлін арттыру, сондай-ақ дене шынықтыру және спорт, мәдениет саласындағы ұйымдар қызметінің тиімділігін арттыру.

8) балаларды тәрбиелеу саласындағы ғылыми зерттеулердің сапасын арттыру.

9) балалардың ақпараттық қауіпсіздік деңгейін арттыру.

10) Кәмелетке толмағандар арасындағы құқық бұзушылық пен қадағалаусыздықтың алдын алу және жасөспірімдер арасындағы нашакорлықтың алдын алу бойынша жұмыс істеу, «Тәуекел» тобындағы балаларды мектеп өміріне, сыныпқа, үйірмелер, секциялар сабақтарына барынша тарту.

11) Оқу үрдісінде ақпараттық-коммуникациялық технологияларды дамыту бағдарламасына сәйкес кеңінен қолдану.

12) Оқыту мен тәрбиелеу процесінде нәтижені Құндылыққа бағдарланған тәсіл арқылы іске асыру

13) Мектеп медиация қызметін жемісті жолға қою арқылы, мектепті қауіпсіз кеңістікке айналдырып, өскелең ұрпақтың әлеуметтік жауапкершілігін қалыптастыру.

14) Мектептің жайлы кеңістігін жобалай отырып, білім алушылардың оқу процесіне қатысуын, академиялық жетістіктерін, мінез-құлық үлгілерін, эмоционалды әл-ауқатын арттыруға әсер ету.

15) Қолайлы білім беру ортасын құруда сынып жетекшілер рөлін арттыру.

2022-2023 оқу жылына арналған мектептің тәрбие қызметінің басым бағыттары:

1. Жаңа Қазақстандық патриотизм мен азаматтықты тәрбиелеу, құқықтық тәрбие.
2. Рухани-адамгершілік тәрбие.
3. Ұлттық тәрбие.
4. Отбасылық тәрбие.
5. Еңбек, экономикалық және экологиялық тәрбие.
6. Көпмәдениетті және көркем-эстетикалық тәрбие.
7. Зияткерлік тәрбие, ақпараттық мәдениетті тәрбиелеу.
8. Дене тәрбиесі, салауатты өмір салты.

Жоспарланған нәтижелер:

- Түлектің патриот азамат ретіндегі моделі, білімді адам, еркін, мәдени, адамгершілік, өзін-өзі дамытуға қабілетті тұлға, әлеуметтік жетілу, өз іс-әрекеті үшін жауапкершілік, жеке тұлғаны сезіну, қоғамдық тану қажеттілігі, қажетті білім деңгейі. Оқушылар ұлттық құндылықтар туралы түсініктерін қалыптастырады.
- Оқушылар жалпы адамзаттық және ұлттық құндылықтарға бағытталған оқушылардың өзін-өзі басқарудың ұжымдық шығармашылық қызметіне белсенді қатысады.
- Тәрбие жұмысының жүйесін тақырыптық кезеңдерге біріктіру арқылы ашықтық, жүйелілік болады; мұндай жүйе тәрбие жұмысының әрбір бағытын іске асыруға бағдарланады.
- Оқушылардың ең көп саны қосымша білім беру жүйесіне енгізілген. Үйірмелерде сабақтарды ұйымдастыру адамның таным мен шығармашылыққа деген ынтасын дамытуға бағытталады.
- Сынып жетекшілерінің кәсіби шеберлігі мен өзін-өзі тәрбиелеуге деген ынтасы артады, соның арқасында сыныптардағы тәрбие жұмысының тиімділігі артады.
- Оқу процесінің тиімділігін бақылау жүйесі оқу процесінде болып жатқан өзгерістерді және оларды тудыратын факторларды уақтылы анықтауға және талдауға мүмкіндік береді.
- Ата-аналардың педагогикалық мәдениеті арттырылады, жұмыс жүйесі ата-аналардың шығармашылық әлеуетін ашуға, Отбасы дәстүрлері мысалында отбасылық тәрбиені

жетілдіруге, бала тәрбиесіндегі отбасының рөлін күшейтуге ықпал етеді.

Жоспарланған жұмыстар мен бағыттар және жобалар бойынша тәрбие үдерісі үздіксіз жүреді. Аталған жұмыс бағдарына орай, жоспарлары жасалынып, түрлі жұмыстар жүргізілуде. Шуақты қыркүйек айының алғашқы күні білім мерекесі «Терең білім, еңбекқорлық және отаншылдық қасиет» тақырыбымен алғашқы қоңырау салтанатты жиыны болды.

Қазақстан халықтарының Тілдері күні мерекесіне орай «Тіл-алтын көпір» тақырыбымен 5-7 сыныптар арасында челлендж өткізілді. Оқушылар, ұлт ұстазы А.Байтұрсыновтың туғанына 175 жыл толуына орай өлеңдерін үш тілде жатқа оқыды. Кәмелетке толмағандар арасындағы құқық бұзушылықты болдырмау мақсатында полиция қызметкерлерімен бірлескен жиналыс өткізілді. Заң баптары, мектептің ішкі тәртіп ережесі таныстырылды. Бастауыш сыныптар аралығында «Отбасы-бақыт мекені» апталығында ашық тәрбие сағаттары өткізілді. «Бала тәрбиесі-баршаның ісі» жалпы ата-аналар жиналысы өткізіліп, келелі мәселелер қозғалып, соңында «Отбасым-өнер - өрісім» атты концерт ұйымдастырылды. «Ұстаз-бала бағбаны» тақырыбында сынып жетекшілер отырысы өткізіліп, бала тәрбиесіндегі өзекті мәселелер талқыланды. «Қыз тәрбиесі – ұлт тәрбиесі», «Қыз тәрбиесі қырын кетпесін» тақырыптарымен қыздар жиналысы жасалынып, әдеп, иба, тәртіп мәселелері қозғалды. Баланың қызығушылығын ояту мақсатында мектеп оқушылары кітапханаға саяхат жасады. Құқық бұзушылықтың алдын алу мақсатындағы профилактикалық жұмыстар негізінде 9 сыныпқа ақпараттық-танымдық шара өткізілді. «Ұстазыңды құттықта!» челленджі өткізіліп мектеп оқушылары мен бітіріп кеткен түлектер құттықтау жолдады.

«Қарттарым-асыл қазынам» тақырыбымен ашық тәрбие сағаттары, қарттар мерекесіне арналған мерекелік шаралар өткізілді. Ата-ана мен баланың арасындағы бірлік пен татулық қасиеттерін нығайта отырып, салауатты өмір салтын насихаттауға баулу мақсатында "Спорт және салауатты өмір салты" фракциясының жетекшісі Хамзин Жомарттың ұйымдастыруымен 5-6 сынып оқушылары аралығында "Дені сау ұрпақ – ұлт болашағы" атты отбасылық спорттық сайысы Республика күнінің жаңа ұлттық мереке ретінде қоғамдағы тарихи мәртебесін бекіту мақсатында "Туған жерім - Қазақстаным!" атты салтанатты жиын өткізілді. Арал қаласының 95 жылдық мерейтойы қарсаңында, «Туған жердің мерейін өсіру – жастарға парыз!» атты Аралдың белсенді жастарымен кездесу кеші өткізілді.

Оқушылардың күз туралы дүниетанымын арттыру, күз мезгілінің қоршаған ортаға әсерін таныту, күз ерекшеліктерін, күз сыйын ұғындыра отырып, мерекелік көңіл-күй сыйлау. Әр адамның бойындағы қасиеттерін таныту, өнерін көрсету, тапқырлық, сахна мәдениетін қалыптастыру мақсатында 8 - 9 сынып оқушылары аралығында "Күз аруы - 2022" сайысы өткізілді, білім алушылардың бойына рухани-адамгершілік қасиеттерін ұялату үшін мейірімді, қайырымды қасиеттерді игеруге ықпал ету, сана-сезімін дүниетанымын дамыту, достыққа тәрбиелеу мақсатында "Қамқорлық күні" шарасы көңілді үзіліс, әкелерді мектептегі қоғамдық іс-шараларға қатыстыру арқылы отбасы мен мектеп арасындағы ынтымақтастықты нығайту мақсатында мектеп парламенті көшбасшылары мен "Жас ұлан" ұйымының ұйымдастыруымен "Әкем және мен" атты футболдан сайыс өткізілді.

Қазақ тілі мен әдебиеті пәні мұғалімі М.Молдабаеваның ұйымдастыруымен Б.Майлиннің «Күлпаш» әңгімесінің желісі бойынша «Қауқарсыз ба едің, қазақ әйелі?» тақырыбында дебат өткізілді. Дебатқа қатысқан мұғалімдер өздерінің шеберлік сөз саптауларын, шешендік сөз үлгілерін көрсете білді. "Кітап оқы да, трендте бол" атты оқырман бенефисі болып өтті. Оқырмандарды көркем шығармалар оқуға шақыру, кітап рухани байлық екенін ұғындыру, кітапханашымен оқырман арасындағы ізгі байланысты жандандыру. Кітап дегеніміз-алдыңғы ұрпақтың артқы ұрпаққа қалдырған рухани өсиеті. Кітап тандап, талғап оқи білу, оны түсіну мен түйсіну, алған әсерінді өмір қажетіне жарата білу-әрбір адамның білігі мен білімін, пайымы мен парасатын айқындайтын алғы шарттардың бірі. Мұқағали Мақатаевтың шығармашылығына арналған 7-8 сынып оқушылары арасында «Жыр тұнған жалын жүрек» атты ақын өлеңдерінен мәнерлеп оқу сайысы,

1 наурыз алғыс айту мерекесіне орай отбасылық құндылықтарды сақтау, әкелердің бала тәрбиелеудегі жауапкершілігін арттыру мақсатында «Рухы биік әкелер – ұлт болашағын мәпелер» атты әкелерге арналған танымдық семинар - кеш өткізілді. Қазақстан Республикасының Оқу-ағарту министрлігінің Республикалық Қосымша Білім Беру Оқу-Әдістемелік Орталығының (РҚББОӨО) 1 наурыз «Алғыс айту» күніне арналған "Алтын

жүрек" челленджіне №227 негізгі мектебі "Мектеп парламентінің" мүшелері үн қосты. 8 наурыз мерекесі қарсаңында "Бәрі де, АНА, бір өзіңнен басталады" тақырыбында 5 сыныбы оқушыларының ұйымдастыруымен ата-аналар мен ұстаздарға арналған мерекелік ашық тәрбие сағаты, бастауыш сынып бірлестігінің ұйымдастыруымен "Ана-гүл, ана-өмір шуағы!" атты мерекелік кеш, №227 орта мектебінің ардақты аналары мен қыз-келіншектерінің құрметіне арналған "Ана - өмір, ана - бақыт, ана - гүл" атты мерекелік салтанатты шара өткізілді. Наурыз мерекесі қарсаңында «Ұлттық тағамдар» сайысы ұлттық тағамдармен таныстыру, «Наурыз – ұлыстың ұлы күні» атты сурет сайысы, "Наурыз тойы - дәстүрлі мереке" атты тәрбие сағаттары, «Наурыз мейрамы» атты домбырашылар челленджі, «Өнерлі өрендер» атты балалар фестивалі өткізілді.

«Төрт тоқсан – төрт өнер» жобасына сәйкес «Туған өлкенің табиғаты» тақырыбында «Балықшылар аллеясына» оқушылармен саяхат жасалды. Парламент көшбасшылары туған жеріміздің табиғатын қорғауға үлес қосу мақсатында "Табиғатты, аяла!" жобасын бастады. Экологиялық жоба аясында оқушылар жиыны өткізіліп, іс-шара жоспарымен таныстырылды. Акцияға белсене қатысуға үндеу жолданды. Көкірегі ояу, талапшыл жастар алдағы уақытта қоршаған орта мен оның мәселелері барлық өскелең ұрпақтың басты парызына айналатынына сенімді.

Халқымыздың ұлттық ойындарының қалай қалыптасқандығы, оның атадан балаға, үлкеннен – кішіге мұра болып жалғасып отырғандығы туралы бала бойына сіңіріп, денсаулығын шыңдай түсу мақсатында бастауыш сыныптар бірлестігі апталығының жоспарына сәйкес, мектепалды сыныптары арасында "Ұлттық ойын – халық мұрасы" атты тәрбие сағаты өткізілді. Тәрбие сағатында ұлттық ойындардың шығу тарихы мен ойналу ережелері таныстырылды. 5-9 сынып оқушылары арасында «Шахмат - ақыл-ой спорты» атты шахмат сайысы өткізілді. Мақсаты: оқушыларға шахматты насихаттау және дамыту, салауатты өмір салтын қалыптастыру. Баланы жылдам ойлауға, шешім қабылдап қадам жасауға баулу. Әр топ өздеріне берілген мектеп

ауласын ұйымшылдықпен, ауызбіршілікпен ең бастысы көтеріңкі көңіл-күймен қоқыстардан тазартты. "Ұлт ақыны-Шәкәрім" тақырыбындағы танымдық сағаты өтті.

Мақсаты: Халқымыздың тарихына, әдебиетіне, ұлы тұлғаларға деген сүйіспеншіліктерін арттыру. Адалдыққа, адамдыққа тәрбиелеу мақсатында Шәкәрім ғұмырнамасымен таныстырылым жасалды. Ақын шығармашылығындағы "Еңлік-Кебек" поэмасының желісінен оқушыларға бейнеузік көрсетілді. "Мемлекеттік рәміздер - ұлт мақтанышы" атты оқушылар жиыны өткізілді. Апта барысында жетістікке жеткен оқушылар мен ұстаздар облыстық, аудандық дипломдармен марапатталды. "Алаш ұлағаты-ұландар үнінде" атты жылдық жоспарға сәйкес, "Қанатты достар" акциясы аясында 1-4 сынып жасқырандықтары құстарға арнап ұя жасап, ауладағы талдарға орналастырды. Білім алушыларды еліміздегі халықтар достығын дәріптей отырып, дәстүрі мен өнерін насихаттау мақсатында 5-7 сынып оқушылары аралығындағы «Бір шаңырақ астында» сайысы өткізілді. Жас ұрпақты Ұлы Отан соғысында ерлік көрсеткен ата – бабаларымыздың ерлік істерін қастерлеп, рухын көтеру, үлгі өнеге тұту, бейбітшілікті сақтауға және нығайтуға, батыл болуға тәрбиелеу, мақсатында білім алушылар арасында «Ешкім де, ештеңе де, ұмытылмайды» атты мәнерлеп оқу сайысы, «Майдангерлер мәңгі жасайды» тақырыбында патриоттық ән байқауы, "Асыл сөзді іздесең, Абайды оқы ерінбе" атты сыныптан тыс іс шара, жастарды әскери-патриоттық бағытта тәрбиелеу, өскелең ұрпақтың бойында Отансүйгіштік пен патриоттық қасиеттерді қалыптастыру мақсатында 7 мамыр - Отан қорғаушылар күні және 9 мамыр - Ұлы Жеңіс мерекесіне орай ұйымдастырылған "Патриот ұрпақ, рухты жастар, жарқын болашақ!" атты әскери аға ұрпақ өкілдерімен кездесу кеші өткізілді. Ата-аналардың мектеппен қарым-қатынасын нығайту, жыл бойы жүргізілген оқу-тәрбие жұмысының қорытындысын талқылау мақсатында "Жетістік кілті талап пен еңбек" тақырыбында жалпы ата-аналар жиналысы өткізілді. Мектеп даңқын асырып, биік жетістіктерге жеткен мектеп мақтаныштары - олимпиада, білім байқаулары, өнер сайыстары мен интеллектуалдық сайыстардың жеңімпаздары дәріптелді. Ерекше құрмет тек қана талант иелеріне ғана емес, сонымен қатар олардың жетекші мұғалімдеріне, білім белестерін бағындыруға себепкер болған ата-аналарына да арналды.

Өзін-өзі басқару ұйымының жоспарына сәйкес, жыл басында отырыстарын өткізіп, алдағы жоспарлы жұмыстары туралы талқылау өткізді. Алғашқы тәлім сағатын жасап, биыл мектеп президенті сайлау болатындығын. сол сайлауға түсетін кандидаттардың бағдарламаларымен танысып, атсалысуға шақырды. Сонымен қатар, фракция мүшелері атқарған жұмыстарына есеп берді. Президентке үміткерлердің сайлауы өткізіліп, 8 сынып оқушысы Сағадатова Асыл жеңіске жетті. Тәлім сағатында антын беріп, фракция жетекшілерінің тапсырмаларды орындаудағы жауапкершілігін жүктеді. Ұстаздар мерекесінің құрметіне орай дублер күніне дайындық жасап, жоғары дәрежеде жауапкершілікпен алып шықты. Қарттар мен ардагер ұстаздардың үйлеріне барып, сұқбат алып, ән-жырларын арнап, сый сияпаттарын табыстады. Парламент фракцияларындағы жоспарлы жұмыстарының негізінде «Ұстаздар апталығын» 9-сыныптармен бірлесе отырып ашылу салтанатын жасап, 1 ай көлеміндегі атқарған жұмыстарына есеп берді. Ата-ана мен баланың арасындағы бірлік пен татулық қасиеттерін нығайта отырып, салауатты өмір салтын насихаттауға баулу мақсатында "Спорт және салауатты өмір салты" фракциясының жетекшісі Хамзин Жомарттың ұйымдастыруымен 5-6 сынып оқушылары аралығында "Дені сау ұрпақ - ұлт болашағы" атты отбасылық спорттық сайысы өткізілді. Ұстаздар мерекесі қарсаңында өткізілген мерекелік кеште мектебімізден зейнетке шыққан қарттарымыз бен мектептегі ұстаздарды мерекемен жас буын өкілдері мен өзін-өзі басқару ұйымының көшбасшылары шын жүректен құттықтап, ақ тілектерін арнап, ән-күйден пашу шашты. Мерекелік шара жоғары деңгейде ұйымдастырылып, көрермен тарапынан зор қошеметке ие болды!

Республика күнінің жаңа ұлттық мереке ретінде қоғамдағы тарихи мәртебесін бекіту мақсатында "Мектеп парламенті" ұйымының ұйымдастыруымен "Туған жерім - Қазақстаным!" атты салтанатты жиын, Арал қаласының 95 жылдық мерейтойы қарсаңында «Туған жердің мерейін өсіру – жастарға парыз!» атты Аралдың белсенді жастарымен кездесу кеші өткізілді. "Жас ұланның жұлдызды жылы" жоспарына сәйкес қарттар мерекесі қарсаңында педагог ұйымдастырушы, тәлімгер, қамқорлық фракциясының ұйымдастыруымен "Жақсылық жасап жарыс!" акциясы аясында ата-әжелерімізге құрмет көрсетілді. Оқушылардың Күз туралы дүниетанымын арттыру, күз мезгілінің қоршаған ортаға әсерін таныту, күз ерекшеліктерін, күз сыйын ұғындыра отырып, мерекелік көңіл-күй сыйлау. Әр адамның бойындағы қасиеттерін таныту, өнерін көрсету, тапқырлық, сахна мәдениетін қалыптастыру мақсатында 8 - 9 сынып оқушылары аралығында "Күз аруы - 2022" сайысы, білім алушылардың бойына рухани-адамгершілік қасиеттерін ұялату үшін мейірімді, қайырымды қасиеттерді игеруге ықпал ету, сана-сезімін дүниетанымын дамыту, достыққа тәрбиелеу мақсатында "Қамқорлық күні" шарасы көңілді үзілісте 7 -8 сынып оқушылары аралығында өткізілді. Ата-ананы, әкелерді мектептегі қоғамдық іс-шараларға қатыстыру арқылы отбасы мен мектеп арасындағы ынтымақтастықты нығайту "Әкем және мен" атты футболдан сайыс, «Жылдың үздік оқушысы - 2022» байқаулары болып өтті. 1 наурыз алғыс айту мерекесіне орай отбасылық құндылықтарды сақтау, әкелердің бала тәрбиелеудегі жауапкершілігін арттыру мақсатында «Рухы биік әкелер – ұлт болашағын мәпелер» атты әкелерге арналған танымдық семинар – кеші, "Алтын жүрек" челленджеріне үлес қосты. Наурыз мерекесі қарсаңында «Ұлттық тағамдар» сайысы, «Өнерлі өрендер» атты балалар фестивалі, "Қариясын сыйлағанелде қасиет бар" атты тәрбие сағаттары өткізілді.

2023 жылдың 5 мамыры күні жастарды әскери-патриоттық бағытта тәрбиелеу, өскелең ұрпақтың бойында Отансүйгіштік пен патриоттық қасиеттерді қалыптастыру мақсатында 7 мамыр - Отан қорғаушылар күні және 9 мамыр - Ұлы Жеңіс мерекесіне орай ұйымдастырылған "Патриот ұрпақ, рухты жастар, жарқын болашақ!" атты әскери аға ұрпақ өкілдерімен кездесу кеші өткізілді. Ата-аналардың мектеппен қарым-қатынасын нығайту, жыл бойы жүргізілген оқу-тәрбие жұмысының қорытындысын талқылау мақсатында "Жетістік кілті талап пен еңбек" тақырыбында жалпы ата-аналар жиналысы өткізілді.

«Дебат» жобасы аясында: "Отбасы - бақыт мекені" іс-шара жоспары негізінде қосымша білім беру педагогі Мырзағалиев Серіктік ұйымдастыруымен «Ұлттық тәрбие - ұлт болашағы» атты пікірталас «Әскерге барған дұрыс па әлде бұрыс па?» тақырыбында 9 сынып оқушылары аралығында дебат. Сонымен қатар «Ұшқыр ой алаңы» клубының мүшелері аралығында «Жемқорлықсыз қоғамға қадам», «Бұл палата Қазақстан бақытты балалар мекені»,

«Интернеттің пайдасы мен зияны», «Қазіргі жастарға патриотизм тән бе?» тақырыптарында дебат сайыстары өткізілді.

"БАБАЛАР ҮНІ" акциясы аясында "ҚАМБАР БАТЫР" жыр оқу челленджі, "Ұлт ақыны-Шәкәрім" тақырыбындағы танымдық сағаты, "Үздік оқырман отбасы" байқауы, "Көркем шығарма – оқырман оқушы – ой-талғам» тақырыбында оқыған және енді оқитын кітаптары бойынша фото – челленждер ұйымдастырылды.

«Мектеп театры» жобасы аясында: жұмыс жоспары жасалынып, бекітілген. Алғашқы ұстаздар мерекесінде шағын қойылымнан бастаған театр мүшелері өз шеберліктерін көрсете білді. «Алтын күз» мерекесінде апта бойына оқушылар түрлі қойылымдар жасап, актерлік шеберліктерін, талантарын көрсете білді. «Актер болғым келеді» театр үйірмесі мектебіміздегі шығармашыл, талантты, дарынды оқушылардың басын қосқан шағын орталық.